

3 JON

¹ E Kristen gate. O ijo was bole Gaius, e anjam endi ner-grenyosim inoq qarinyonum. E ni bole qalaqalaimeqnum.

² O ijo was bole, e ni qa endegsi pailyeqnum, “O Abu, ni na Gaius aqa wau kalil boletime. Osim a singilatim a ma saiqoji soqneme.” O Gaius, e qalieonum, ino qunuḡ a bole unu. ³ Nami Kristen was qudei nanḡi e nubqa bosib merbeb, “Gaius a anjam bole dauryeqnu.” Degsib merbonab e qusim tulaḡ areboleboleibej. Od, Gaius, e qalieonum, ni anjam bole dauryeqnum. ⁴ Ijo angro nanḡi anjam bole dauryeqnub e di quoqnsim deqa tulaḡ areboleboleibeqnu. Ijo arebolebole dena arebolebole kalil tulaḡ bunyejunu.

Gaius na aqa Kristen was nanḡi geregereinjqnu

⁵ O ijo was bole, e qalie, ni kumbra bole dauryoqnsim ino Kristen was nanḡi geregereinjqnum. Osim Kristen was qudei nanḡo ulatamu ni qaliesai qaji nanḡi qure beiq na beq nabqa nanḡi dego ni na geregereinjqnum. ⁶ Was nanḡi di ino qalaqalaiyo kumbra qa saeq nab Kristen tamo unḡasari qure endia unub qaji nanḡi queqnub. Deqa ni que. Was nanḡi di olo ni uratmosib walwelqa laq nibqa ni na inḡi inḡi qa nanḡi aqaryainjrim nanḡi walwelqab. Qotei a ino kumbra deqa tulaḡ arearetoqnqas. ⁷ Was nanḡi di Yesus aqa wau oj qajqa are qaloqnsib aqa ñam osib walweleqnub. Nanḡi sawa bei bei qaji nanḡo ambleq di waueqnub. Nanḡo wau dena nanḡi silali inḡi inḡi os-aieqnub. ⁸ Deqa iga tamo deqaji nanḡi aqaryainjroqnqom. Iga degyqom di iga nanḡi koba na wau ojoqnsim anjam bole singilatoqnqom.

Diotrefes a kumbra uge yeqnu

⁹ Nami e anjam qudei nengrenyosim Kristen tamo ungasari ino qureq di unub qaji nanogo qarinyem. Ariya Diotrefes a gago anjam quetgosaieqnu. A tulan diqo-qnsiqa a na Kristen kalil nanqi bunjrsim aqa segi nam soqtqajqa singilaeqnu. ¹⁰ Deqa e nunogo bosiy Diotrefes aqa kumbra qudei qa olo saingwai. Aqa kumbra bei agiende. A iga qa anjam uge uge marelejeqnu. Di segi sai. Kristen was nanqi walwelosib nungo qureq beq nab a na nanqi aqa meq joqsi gilqa urateqnu. Yeqnaqa tamo qudei na was nanqi di nanogo meq joqsi gilqa laq nab a na nanqi dego getentnjreqnu. Osiqa nanqi Qotei tal miligiq gilqa saidnjreqnu.

Demitrius a kumbra bole yeqnu

¹¹ O ijo was bole Gaius, ni kumbra uge dauryaim. Ni kumbra bole segi daurye. Tamo a kumbra bole dauryas di a Qotei aqa tamo sqas. Ariya tamo nanqi kumbra uge uge dauryeqnub qaji nanqi Qotei unqa keresai.

¹² Tamo kalil nanqi Demitrius a qa mareqnub, aqa kumbra bole. Anjam bole a segi dego tamo sigitosiqa Demitrius aqa kumbra bole qa mareqnu. E segi dego a qa mareqnum, aqa kumbra bole. Ni qalie, ijo anjam a bole.

Jon a Gaius unqajqa bosim a ombla anjam qairqab

¹³ E anjam gargekoba nengrenyosiy inoq qarinyqa kere. Ariya e nengrenyqasai. ¹⁴ Sokiñala e inoq bosiy ni numsiy aqo ombla anjam marqom.

¹⁵ Ni lawo na soqnime. Kristen was qure endia unub qaji nanqi ni qa kaiye anjam qarinyonub. E dego Kristen was kalil ni koba na unub qaji nanqi qa kaiye anjam qarinyonum. Ijo kaiye anjam endi ni na nanqi minjrieme. Bole.

Yesus Aqa Anjam Bole 2014
The New Testament in the Anjam language of Papua New Guinea,
2014 revision
Nupela Testamen long tokples Anjam long Niugini, 2014
copyright © 2014 Wycliffe Bible Translators, Inc.

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-28

PDF generated using Haiola and XeLaTeX on 27 Sep 2019 from source files dated 13 May 2019

0eb339dc-c20a-5065-9483-338933d97585